

國朝畿輔詩傳

國朝畿輔詩傳卷二十四

長洲陶

樸鼻薌輯

任邛邊浴禮袖石校

張

霏字念藝號笨山撫寧人霖弟官內閣中書有

帆齋逸稿晉史集欵乃書屋集綠豔亭集

陳儀龍東溟傳笨山兄爲方伯門第甲三津而笨山蕭然無與嘗科頭跣履行市中居如村舍題曰帆齋又營別室於帆齋之右亦曰帆齋客徵其故笨山曰吾所居則帆齋也旣爲帆齋客有常處乎人皆怪之獨東溟心知其意笨山蕭然恬泊如山林間人草書全得張顛神骨詩似青蓮天馬行

空不可羈勒

朱葵尊得張舍人霏皖口書卻寄詩六年不見張石史忽誦秦游一卷詩韓孟元劉無定格尤

蕭范陸有餘師歸逢灤鯽堆盤曰到及江花  
夾岸時試計合并何地好須憑來雁慰相思

古相思辭

郎是天上雲隨風東西南北遊妾是盃中水瀉地東西  
南北流雲遊去作何方雨水流但溼庭下土土生相思  
草恨郎歸不早雨溼合歡花忘妾獨在家

東來軒分韻得坐字

感士不遇曰大道多軼軻閒居求苟安遂已成驕惰搔  
首柴門前深柳一鶯坐春風愛好音吹向誰家墮虛名  
竟何用生計常相左時還弄毫素心隨書畫舸海上足  
烟波一竿無不可豈爲武昌魚乃鼓滿湘柁

幽思

促促復促促日月雙轉轂百年遂安棲幾間白板屋人  
生慕榮利我心同草木搔首獨踟躕顧瞻徑之曲左藝  
孤生蘭右藝孤生竹佳人渺天末閉門如空谷

擬陶飲酒

出門寡所營信步行畎畝未緣陌上桑已黃河畔柳有  
客良可招茅廬近渡口疇意正病起抱膝坐晴牖見我  
慙素懷暢敘爲之久野月上孤桐春風閒藥臼何以遣  
斯時曰不如飲酒

蒼龍嶺

朝發青柯坪暮過蒼龍嶺仙人杖早投謝公屐空整三  
峯不可登半天松雪冷

### 少年行

五花驄上騎少年春風吹處美且鬢往來香陌如飛烟  
照耀桃李生芳妍紫游韁繩軟玉鞭青絲絡頭寶花韉  
華衣豔服不自鮮平時與馬常周旋有時挾弓馳郊田  
黃金彈子珍珠圓側身欲落雲中鳶不聞射虎南山前  
不聞一擲百萬錢但見呼酒杏花邊紅樓影下看鞦韆  
十五吳姬坐並肩狂歌縱飲無拘攣硯底空壓鴛鴦箋  
懷中偶撥鷓鴣絃鷓鴣螺輕終日傳芙蓉帳暖通宵眠

馬瘖明月嘶纏絲少年少年胡不憐

巫娥

煖翠小屏深疊疊巫娥斜倚雲花裂青絲亂雨飛欲光  
七十二峯羅空牀魚冠仙佩丹霞裳鸞旌倒曳靈風香  
天潢老女隔水泣冷綃霧薄湘烟溼

青城引

翠尾鳳子飛無聲半天紫雲垂青城玉樓小立衣烟輕  
撲來短袖團花明香泉不斷下冷峽跳珠走雪鳴琮琤  
溼霞欲醉春螺紅騎羊小兒吹鷺笙

石槽

石槽投宿早崖畔駐鳴騶亂樹開平野圓沙送細流松  
寒不近蝶山淺忽聞鳩一徑薜蘿綠攜筇思獨遊

晤朱贊皇

一代集唐手才力吾所欽讀盡古名句乃成良匠心色  
比七襄錦聲同百衲琴大雅寓大巧痕迹誰能尋

春日雜詩同龍東溟王野鶴宋又京汪槎客孫君

選查漢客分韻

歲歲東海上殘春始見春閒吟夢草句老作看花人風  
雨三沽水輪蹄十丈塵槎飛仙島近不問武陵津

秋夜水亭

燈殘月復落歷歷閃秋星高枕新涼夜三更舊水亭露  
深初警鶴風定乍流螢幾訝虛牕外梧桐破曉青

由新安至靈寶連日行土山中有作

風景連朝改間關欲奈何民居茅屋少官道士山多遶  
澗登樓賦荒涼出塞歌壯遊方努力慎莫歎蹉跎

寄懷蘇州宋采城山人

洞庭春酒酌來酣忽憶吳城隱士庵千里鶯花羞杜牧  
十年湖海老何堪家風雖素還須守世事多違枉自諧  
可記倦遊津水日時時欲唱望江南

送慧林上人南還兼寄石濤輪广



霜冷蕭蕭黃蘗枝不堪手折送尊師心空海月悟何早  
頭白江天歸已遲萬恨人間輕惜別半生世外重心知  
清湘客子寒谿老相見憑君寄遠思

偶成

當年曾伴白雲夫遊屐吟鞭興不孤春澗鳴禽閒共聽  
秋山歸路醉相扶風塵老大功名薄田圃荒涼心計粗  
漫向長安搔首望青雲一箇舊交無

西風七月欲飛霜千里懷人雁一行寧可聞笳當塞上  
尊教吹笛過山陽餓來方朔還成笑老去馮唐只自傷  
手把素書秋竹下不知辟穀更何方

青雨山房詩

三年知欲不窺園小築新成學閉門懸榻早如陳仲舉  
藏書多似李長源春雲入座江峯立秋水當簾海月翻  
念我疎狂全未改竹林難忘舊琴樽

獨飲黃鶴樓

暮雲江上釣漁船湖水將平八月天頻倒金樽看日落  
欲吹鐵笛起龍眠十年烽火留遺淚兩度登臨歎壯年  
不是華州狂道士畫工莫漫繪圖傳

楊村道中

又向楊村道上行問關能不動幽情野花一路開無主

水國千帆列作城雙燕偶然同客語數蟬隨處作秋聲  
漫云馬上渾無事敲徧西風句未成

讀史

澹澹三徑菊依依五株柳高風緬可懷不在詩與酒  
胸中有父書豈但十八拍不料一曹瞞憐才到巾幗  
氣飛易水虹血灑秦庭雨一死報燕丹成敗復何語  
絕色竟沙塵琵琶怨殺人安知青冢色不是漢宮春

陶潛文姬荆軻王嫱

絕句

踏踏隨香綠飛飛避軟紅雙鳩林外雨一蝶水邊風

上元道院看月作

十二瓊樓不挂燈一壺明月冷於冰  
阿誰能擲仙人杖化作虹橋到廣陵

夾馬營

異香此地生雄主千載風雲古殿空  
莫歎重重龍幔黑傷心猶怕燭搖紅

兩京宮闕已成塵夾馬營中廟尙新  
太祖騎龍何處去華山應訪墮驢人

清明

折柳人歸帶曉烟高歌不負門雞天  
杏花村裏桃花酒費盡今朝白打錢

伏枕

連朝歸雁急相呼  
伏枕懷人信有無  
記得梅花江上客  
雪牕同看剡川圖

仙院

十二樓邊九子鈴  
垂簾人誦藥珠經  
白鸞紫鳳無消息  
鳥啄松釵滿地青

懷揚州苦瓜上人

遙傳好事清湘老  
大滌堂中隱作家  
風雨淮南秋色冷  
閉門只是寫黃花

長江舟中

綠楊小艇曬魚罾  
大李將軍繪未能  
明月不來人欲醉  
一江斜日照巴陵

聽夜泉

松館燈寒夜睡遲  
流泉聲裏獨支頤  
令人忽憶秋江上  
明月湘靈鼓瑟時

築欄

方塘引水接長竿  
藕種新泥四月寒  
未識今年花盛否  
周圍先築柳欄干

林徵韓

徵韓字退思  
昌黎人有忘餘草一卷

永平府志徵韓其先閭人舊家海濱國初避  
海寇之亂薄遊章水會逆藩不靖國家有事  
東南乃梯黔航楚浮家郢下寓京師愛畿東山  
水卜居昌黎禪伏山謀終老焉性洒落少負不  
羈生平足跡幾徧天下年過半百息影蕭  
齋徜徉自適喜吟詩著忘餘錄以紀其遊  
尤侗序子美之沈雄退之之博奧往  
往于斯見之勿謂吾道之不北也

丙穴魚

丙穴有嘉魚爲狀異他族鱗差同鱸細項不似鰕縮暖  
戲暮春天羣呬溪陰綠隨流無遠近出山水不復垂手  
下急湍舉網動盈簾寧供上客餐徒厭野人腹誠哉風  
味佳無以名自鬻

山齋落成

剔石斷雲根誅茅斨山麓行復操斧斤直斬陰崖木乘  
時集眾材立地成小築壁但塗黃泥窗不施綺縠卑陋  
良有然安居抵華屋卽此課兒孫殘編會且讀鄰里慶  
新成相過半樵牧留坐話桑麻趁吾春酒熟

扁道

百尺清溪上陰崖曲磴縣水聲人語亂山骨馬蹄穿世  
路偏多險風塵亦有年那能無間阻書劍自飄然

樵舍阻風登岸閒步

徙倚湖山外空濛立晚晴鳥衝江霧濕雲拭岸花明水  
長春三月舟行日數程不因風雨阻應早過吳城



黔西道中

暗雨黔西路凌晨結伴行馬蹄循虎跡人語雜猿聲舊  
里餘荒井空山冷廢城不毛嗟此地禁得幾鑿兵

己巳秋仲山妻信至卻寄

一身輕萬里偕隱志多違八口饑無告三年客未歸野  
廚鳴落葉荆戶掩斜暉想見秋風裏山妻正采薇

新硯碭

策馬投深峽紆徐路轉長石開天一線雲鎖木千章壁  
陡山疑合橋頽水欲荒不知經過者猿斷幾人腸

山居

少有人知處空山獨我家嶺欺茅屋矮門對夕陽斜曲  
徑迴芳草疎籬散落花就中多畫意難繪是烟霞

元日

日月相催苦太頻寸陰空度去年人還家昨夜三更夢  
失意他鄉萬里身白髮難饒纔覺老黃金易散不辭貧  
天涯莫歎謀生拙破硯殘書尚可親

輓孫豹人先生

已視榮名作等閒辟書何事下松關葛巾野服朝天去  
明月清風引杖還冠蓋豈能羈白髮墓門猶喜對青山  
憑誰題碣留私諡好置先生夷惠間

雜詠

不用尋詩過嶺西日來幽事頗堪題松間拾菌雲遮路  
雨後罾魚水滿溪偶乞瓶花從野衲時需斗酒問山妻  
行將策杖看禾去只恐磽田綠未齊

邊汝元

汝元字善長號漁山任邱人康熙間諸生有漁

山詩草二卷

任邱縣志漁山和易端凝性好積書日飲酒賦  
詩不與外事與龐雪厓相切磋交分在師友間  
而其詩清蒼雄健實與之埒

馬之驢序善長詩寄託遙深追蹤陶柳近因家  
業中落窮愁著書益肆力爲之雄渾悲壯幾幾

乎問津浣花  
排闥直入矣

紅豆樹館詩話善長爲馬口徠之驢宅相與龐  
雪厓爲姻姪詩有淵源句如促織云貧家無繭  
婦旅館有愁人春日雜咏云琴罷浮心釋詩成  
穩字難水漲云西風禾黍薶薶窟窟落日村墟雁  
鷺場偶成云入口會無三日米  
百年賸有一牀書皆朴摯可誦

### 張司空華離情

秋夜簾櫳蕭月影壓重陰燈殘萬籟寂起坐彈鳴琴一  
彈發商聲再彈秋氣深佳人隔天末雁鯉阻飛沈代馬  
嘶朔風晨風戀舊林君恩亮未歇敢賦白頭吟

### 陶徵君潛田居

東風扇微和四序已及春衣食闢造化疇能坐自臻

勉力耕作未敢後四鄰日暮荷鋤歸犬吠隔荒榛稚子  
解候門招呼然柴薪入室相慰勞斗酒雜烹葷寡欲願  
易足樂此百年身

古意

盛事不復再落落黃金臺昭王逝不返郭隗安在哉駿  
骨猶堪市所棄惟驚駘世無九方臯豈曰無龍媒  
淮陰未遇時惡少輕相侮瑣尾一王孫枵腹而襤褸泥  
伏鯁爲徒雲騰龍爲伍異哉胯下夫目中無項羽  
淵明高尙士薄視五斗米彭澤豈不榮棄之如脫屣品  
以真而高詩以澹而旨千載和陶篇優孟徒爾爾

天書誕而妄於事屬烏有嗟哉王子明美珠鉗其口相  
業冠古今撫衷不無忸君子稟大防冥冥不敢苟

客懷

帝里風光三月暮蕭蕭客舍草芊芊愁多心怯歸鄉夢  
立久神傷望遠天落瓣何曾留曉樹流鶯猶自喚晴烟  
故人寂寞京華路乘興空懷訪戴船

古別離

妾持玻璃盃淚滴盃中醪賤妾一片心吸入君懷腹  
君持素羅巾拭妾淚痕斑賤妾一片心藏君衣帶間  
君騎青驄馬妾心錦韉下願將頭上絲係君四馬蹄

君乘木蘭舟妾心錦帆頭願將賤妾身化作石尤風

許維祚

維祚字石園順天人有六雪齋詩草

香山寺

錯認東林路幽深曲徑連  
嬾雲低講席怪石咽流泉  
日落烟光集山空雨勢縣  
何當結茅宇重證妙香緣

懷妙山

君客長安久攜琴暫一歸  
雪霜孤騎去鴻雁尺書稀  
野草連幽徑閒門掛落暉  
東南時極目遠夢逐雲飛

文成內兄書至賦寄

憶別長安市依依判袂難歲華驚柳色苜蓿老儒冠山  
繞孤城僻書來一座歡此時懷叔度咫尺路漫漫

送友韓還維揚

烟臯孤艇動離憂帝里何年可再遊爲客已憐芳草黯  
送君相對夕陽愁華燈錦瑟揚州夢白雁丹楓蘄嶺秋  
河水應知人惜別濤聲日夜也東流

早春飲集蓮峯署齋得初字

簪齋三載曳長裾翻惜韶華幾度虛客到喜謀良夜飲  
愁多自覺世情疎歡同此夕親朋話望斷經年兄弟書  
相對芳尊須盡醉一簾寒月雪消初



送翼飛

官署三年作客身  
君來又遇柳條新  
愁中對酒傷春暮  
醉裏吟詩送故人  
登眺幾回陪孺子  
盤桓兩月見陳遵  
離懷此日猶難別  
芳樹鶯啼倍損神

送李倩雲還廣陵

山城雨歇子規聲  
柳暗衙齋送客行  
濡水飛花隨馬去  
邗溝好月待人明  
尊前笑語驚離緒  
別後吟詩憶友生  
碌碌風塵知己少  
天涯漫道有逢迎

曹廣端

廣端字子正號玉淵大興人有初陽集

題無悶道人山水圖

蒼翠滴剗嵐松聲澗中起浮屠隱山椒歲月寧復紀扁  
舟載鶴遊高情發秋水世網不能羈賞心良足喜婦子  
相嬉逐疑入柴桑里筆墨見性情因之懷彼美每覽欲  
忘饑烟雲恒滿紙

感懷

野宿聞樵唱窮居讀楚辭違時悲賈傅樂道羨原思痛  
極翻無淚愁多恨有知含情欲何語明月自西垂

張螺浮給諫家石間行人約予同游西山卧病未  
往

幽禽鳴格磔流水去潺湲人度高峯小雲埋古樹閒愁  
中驚白露夢裏見青山待到歸來日新詩定解顏

月夜尋趙生

清夜須尋方外友長歌對酒氣蕭騷  
稀星數點孤雲靜橫角一聲明月高

曹廣憲

廣憲字思原號梅峯大興人有石倉集

柳隄梵月菴卽事

極目寒山靜涼秋九月風松烟埋古寺橋影卧長虹  
幽徑尋初地閒情學釣翁禪宗堪說偈潦倒愧詩筒

送吳卧山太史南旋

喚徹東風上苑鶯一鞭遙指五茸城  
鯉庭初展承歡志虎觀曾高著作名  
隔院琴樽思舊詠長天雲樹認歸程  
松陵燕市應相望頻寄詩筒慰遠情

劉驊良

驊良字支莊號六蝶滄州人諸生有支莊詩集

一卷

王士正序劉子詩空谷之

蘭靜潭之月庶幾近之

薄有德序清夷淡宕似梅聖俞進而刻厲峭拔則孟矣

修琴

山水愛清音寸心靡所施  
秋初萬籟輕澹懷多捐棄壁  
懸一素琴塵網空齋閣拂拭  
巨可測太始存元粹玉節  
汪德徽膠血固貞志無庸指  
上彈肅雍屏魑魅

鬱金酒

鬱金酒艾納香我持玉斚君  
瑤觴藍姑紫苑花芬芳軌  
芸蓀葍及都梁不知何日別  
靚妝至今反側結中腸漾  
漾綠水雙鴛鴦秦箏趙瑟朱  
絲揚髮束玉璫步金璫雲  
緋霧縠錦段章枸櫞團欒列  
檀牀

獨坐

落葉滿空山垂簾竟日閒  
書籤編次第硯石滌爛斑四

十年知老三餘興已刪  
新遺羅酒好淺酌駐衰顏

金憲孫

憲孫字邵度清苑人諸生有埒園稿

會亭曉發

樹裏子規啼殘星送馬  
曉雲穿官柳路霧繞野棠溪  
梁苑空辭賦華山斷鼓聲  
故園千里外背指數峯西

儀真舟中

西去真州路中分楊子橋  
亂雲生遠岫密雨打迴潮  
烽火傳千里烟花變六朝  
多方聲勢接懷古意蕭蕭

獨樹

白晝掩荆扉蕭條生事微  
狂知把酒是病悔著書非  
獨樹花空發高巢鳥自飛  
杜鵑枝上血強半惜春歸

春夜飲程穆倩齋中卽別

客路逢知己江城燒燭紅  
蟄龍驚宿雨歸燕覺春風  
多難才逾壯孤懷興不窮  
心期相見晚忽漫促征篷

丙午榜後寄復陽兄塞上

抱影穹廬手一編寒鴻音渺動經年  
望雲強忍思親淚  
鬪雪猶傳教子篇  
月壓龍荒頻勸酒  
霜侵沙磧重裝棉  
敢言薄劣慚知己  
乞米空回更力田

秋吟

空亭餘怪樹日暮野雲屯時有同心友騎驢直到門

李經垓

經垓字性孚任邱人有東園集七卷

任邱縣志性孚學問博洽十五補諸生龔少司空士燝廕以母疾絕意仕進邑人高之雁壘序先生才氣奔放一往莫禦少加錘鍊當與何李並行

夜泊百花洲

依舊雲山色洲前不見花吳王空自霸西子別爲家浴盡香溪水堆殘帆涇沙小舟良夜永漁火隔蒹葭

玉鉤斜

當年上苑盡風流絕代香魂聚一邱螢火亂飛天似漆



蒲蒲猶聽話迷樓

自從紅淚溼欄杆誰料鸞釵出土殘記得夜遊扶上馬  
錦袍御腕護春寒

劉芳洪

芳洪字虎臣號鍾洛宛平人

文殊院

策杖尋幽處沿迴松徑開秋深千樹醉雲破一峯來白  
日行深院青蓮護講臺悠然何所得身世委浮埃

冷村早行

露光湛湛散晴谿一帶沙痕印馬蹄何處疎林鳥飛早

遠烟殘月隔村西

村行雜詠

風行水面錦成紋  
野濶天低草色分  
彷彿前林人語出  
棹行猶隔一重雲

李 曉

曉字寅清宛平人有梧臺集

秋思

白露凋南國  
長天望每賒  
雲低鴻影亂  
風急鳥聲譁  
巫峽迷殘夢  
吳宮積落花  
暮砧時斷續  
秋思入誰家

廣陵寒食郊遊期王仔園不至

東風吹絮下邗溝。又值清明感薄遊。啼鵲幾聲山徑冷。  
落梅一笛夕陽愁。佳人顧曲來歌院。駿馬長嘶過酒樓。  
何事仲宣忘作賦。笙簫空自泛中流。

自東都泛舟到真州

夾岸天桃萬樹紅。渡頭楊柳不禁風。可憐汴水新翻曲。  
唱入殘陽晚棹中。

鄧林尹

林尹字虞山宛平人有雪江草

春日感懷

又見飛花繞暮天。客懷岑寂少人憐。文章多忌悲鸚鵡。

世事傷心付杜鵑幾樹桃花三月雨一堤楊柳萬條烟  
日長無計堪消遣遮莫春城思黯然

田庶

庶字牧園大興人

皖江四宜亭

薄宦趨江滸臨流上古亭三吳一水白六月九華青舟  
楫因風便寵罷負恨靈高天清暑夜落落見羣星

高必達

必達字上公大興人

燕子磯

一  
詩酒臨天塹齊梁尙有情亭收千里勢雲擁六朝城絕  
壁巉如故新洲浪漸平磯前漁子在日夜聽鷺鳴

懷山東宗叔

十年疏傳隱東陵下澤柴車正好乘近作尙翻新子夜  
里人不識舊中丞花深野寺騎驢過屐響名山載酒登  
剪燭未能魚雁少春來腸斷剡溪簾

客丹徒贈李書城大令

望中樓櫓一江分檻外潮聲日夜聞庾信有哀曾作賦  
鮑郎無主但留墳乘槎誰犯鼉鼉窟橫海新傳組練軍  
漫把閒情贈公子南朝烟雨太紛紛

寄懷王弁伊

白髮梁園苦著書近來詩酒興何如  
那能便訪侯嬴去落日浮雲滿孟諸

黃之琮

之琮字莖瑞元城人有自娛草

雜詩

暉暉野日明颼颼春風柔車馬相追隨  
佳地擇所投高閣面鍾阜俯視江水流  
攀援古樹枝連蜷勢相繚娟娟發春華  
馨香爲淹留

蕭蕭丹楓樹湛湛長江水千里遠行役  
家在沙麓趾遊

子念高堂膝下別離幾行行歸里閭夜起視參觜

淹留

淹留已竟日杯酒戀燈光細雨秋雲薄疎簾夜氣涼功名無狗監詞賦有奚囊牆角萋萋草秋聲絡緯長

李燮元

燮元字公梅號慕菴南宮人起龍子貢生有慕

菴詩集

南宮縣志燮元詩宗工部凡有  
咏歌詞旨溫厚得大雅之遺

送鄭韋庵謁選

憶昔青蒲策治安幾年長嘯臥林巒卽今慷慨爲時起

佇見威稜到處寒政肅百城酬

聖主風清一路

盡廉官功成後樂歸來日野老還應扶杖看

王潔

潔字汲公大興人有幽居山房稿

金山

七級凌峯頂虛牕總不局層嵐開紫翠急浪走雷霆斯

世方多故高天果獨醒茫茫看尺五敢欲問青冥

明月生東嶺波光一鑑開欲尋甘露寺更上妙高臺黃

鶴千峯去蒼雲萬里來無端吹簫簌喚起洞龍哀

張鴻漸



鴻漸字九達元城人康熙間貢生

送馭四姪遊太原

錦鞵雪濺馬蹄霜廣武風高落日黃  
畫角寒飈疑虎嘯  
麓臺疊磧詫羊腸水來象谷通雷澤  
山鑿龍門過呂梁  
試向簪邊樓上眺東南雲樹莽蒼蒼

唐居仁

居仁豐潤人康熙間貢生

燕山

萬里龍沙路逶迤此地過陣雲東去盡  
烟雨北來多掌  
上山城月襟前瀚海波昇平何所事  
扶醉望青螺

米漢倬

漢倬字星岸宛平人

題畫贈李箕山

憶昔連牀已十年醒同風雨醉同眠高才自是誇無敵  
傲骨而今豈受憐別後烟雲雄筆陣重來燕市續詩緣  
時人那識青山趣不畫胭脂不得錢

陳聯

聯字捷三寅子大興人

登清涼臺

晴色招提好同登蒨葉樓開牕來竹翠倚樹見江流斜

日千林亂深烟萬井浮莫辭歸路晚新月正當頭

霍映秀

映秀字耳公曲周人康熙間貢生

曲周縣志映秀爲文揮灑立就年七十餘猶拈詩自課兼工詞曲

卽事

宦遠行還止囊空去復停苦無杯底物不是愛常醒

許世昌

世昌字乾若曲陽人

游香巖閣

近識前山路欣從蠟屐遊泉聲分細響山籟發清謳香

梵傳巖閣慈津駕石舟不嫌雞黍薄暫爲白雲留

劉鼎

鼎字義庵大興人

感懷

緩步江千是舊遊  
荻花如雪正深秋  
迎人鷗鷺還相識  
倚枕雲山可自由  
潮打空城驚宿鳥  
風吹落葉送歸舟  
年來爲報兵氛惡  
日督戈船過石頭

曹天錫

天錫字心簡昌平人

登鳳凰山

路迴復峻嶒春風醉裏登塵沙分北薊烟雨暗西陵坐  
覺諸天近呼當衆壑勝遊殊未厭徙倚看雲升

晚留白浮山莊

貧家偏好客移席就山莊棗栗供新摘壺觴出舊藏微  
風殘葉墜夕景急碁涼望望龍泉寺龕燈水一方

殷回端

四端字續四任邱人有靜遠居稿

重陽前一日懷家紹震兄

明日是重陽不覺長太息吾兄適異鄉歸期約此日

陳良弼

良弼字夢築號崑叟慶雲人貢生官內邱縣訓導

蠟梅

越羅衫子鬱金裳傲雪凌霜宮樣妝怪得來從真蠟國  
芳名台號小黃香

蘇峒

峒字瞻極大興人

六王川懷古

楚已無三戶川猶號六王四圍丹嶂合一塢白雲藏龍  
樹澄秋色人家靜夕陽詎知行路者懷古淚沾裳

老人

青藜老人年八十顏如渥丹髮如漆方竹拄杖紫纓鞵  
荷葉衣裳簪皮笠八月芙蓉白露秋南湖秋水淡悠悠  
老人石上持竿坐終日思魚不下鉤

蘇溥

溥字龍如大興人

秋夜集送王鶴年之睢寧

最是經秋月青明乍涼天氣暑全清久拚痛飲逢河朔  
又聽離筵唱渭城人影一庭扶竹影更聲幾處雜歌聲  
他鄉對酒休辭醉身世浮名似葉輕

馮庭楷

庭楷字端士涿州人

送沈又樹歸洪昌

休文才大捲秋濤萬卷奇書一緼袍興劇吟詩千古上  
狂來呼酒五陵豪西風落葉江州滿新月歸帆雲際高  
未奏驪歌心已醉孤亭送爾獨勞勞

金平

平字子昇天津人有致遠堂詩集

悔成棟津門詩鈔子昇先生起家鹽筴禮賢右  
士與張魯菴方伯查天行封君同時以風雅相  
高起嶺南軒拓園亭以館南北之彥



次葛沾

十年懷此地百里未能遊  
一夕隨潮至千門向水流  
橫橋橫樹靜蟬響稻稔秋  
何日期沮溺耕烟臥壟頭

張禎

禎字延嘏蠡縣人有焚餘草

古廟

古廟遺墟在淒然帶落暉  
簷虛沾絮蝶瓦影蔭苔衣  
日暖羝羊臥風和社燕歸  
昔年祈鼓地伏臘歲時稀

汪黃贊

黃贊字搢斯易州人有目耕堂集

慶都曉發

路滑嘶征馬林寒散曉鴉鐘鳴非一寺村小聚三家積  
雪冰成石朝曦霜落花行行茅店近幾縷早烟斜

金大中

大中字馭東號名山天津人平子諸生有可亭  
集

天津縣志大中數奇不遇性豪邁慨  
爽能急人難遠近稱之尤工詩古文

直沽眾師歌

丁字沽邊春水生桃花渡口暮烟平年年嫁娶漁船裏  
不用前溪打槳迎

陳良翰

良翰字季宣慶雲人良弼弟康熙間拔貢生

津門詩鈔季宣善書工詩  
文學政能公伯龍亟賞之

送王方鄴歸里

燕市相逢玉露寒  
梁園千里共征鞍  
六朝門第推江左  
七子才名盛建安  
霜雪關河經歲暮  
鶯花風雨又春殘  
登樓賦就先歸去  
樽酒離亭欲別難

國朝畿輔詩傳卷三十五

長洲陶

樑巖薌輯

慶雲崔

旭念堂校

孫 淦

淦字靜紫號擔峯容城人奇逢孫康熙二十一

年進士官內閣中書有擔峯詩四卷

湯斌序氣格高超不作開元大歷以後影響語  
錢秉鐙序靜紫諸作孫奇挾幽旣已漸近自然  
由其讀書窮理得於家學者素也

方亨咸序多見道語亦多情至語

紅豆樹館詩話擔峯爲容城徵君孫以名進士  
官中翰旋請假歸性好游覽周歷大江南北佳  
山水所至有詩藏篋中者千餘首今所刻擔峯  
集才十之三四耳詩筆縝幽盤險而情至語尤  
能沁人心脾五言如朽甌凋漢塔古蘚剝元碑  
雁睡驚漁火蘆花響岸霜遠山先見日獨樹不

藏鶯雲影一臺月蟲聲滿澗秋園松孤衲座懸  
窟老猿家汲泉尋虎蹟倚杖問山名鉢龍馴夜  
梵檐鳥散晨鐘雲移山勢瘦風轉鳥聲幽七言  
如風搖簷鐸聲穿樹雨爛牆詩墨長苔僅聞客  
到烹陳雪鴉愛松孤占夕陽蔬摘茅厨烹棘葉  
茶斟瓦鉢點槐膏病裏轉欣敲句穩老來彌覺  
著書難隔城木落看山遠夾檻煙流補屋平破  
寺瞿曇園草薦荒墳翁仲著苔衣靜中學道途  
防誤老去安貧志始堅往事重提成昨夢故交  
久別似新知名心不斷難甘老冷職雖供半是  
閒視世之優孟何李雕繪鍾譚者殊有上下狀  
之別也案擔峯寄籍河南輝縣畿輔通志選舉  
表作容城人  
據此登人

### 烏刺紀游

壬戌春仲崔宮詹定齋有奉祀長白醫巫閭之  
行約余偕往比歸戚友爭來問狀因作此篇聊

當小紀

皇帝御極壬戌歲萬方蕩滌稱平世塵消瘴路虔陀誅  
雨洗蠻煙夜郎繫繫弓臥鼓靜堯封咸秩無文始地宗  
北控巫閭瞻峙鳳東連長白仰興龍名鎮告虔誰可  
寄從臣首選崔詹事城邊玉仗耀螭鱗雲外金函齋鳳  
字詹事欣然理去裝集來親串送河梁勸杯爭羨車塵  
壯挽轡還愁塞路長孫子方戰棘闌裏一聞遠游鬚眉  
喜文成不計選錢青囊攜但解看山紫朝陽門外雨初  
晴塵斂橋通萬里程紆旆半遮官柳密馳輪橫載野煙  
平斜陽停轡潞河岸連艘鱗集帆影亂驛荒草長馬嘶

階窗破夜涼風捲幔沙走平原夜色鋪書簾百折到臨  
榆背城牆斷憑山補倚戶藤欹倚柳扶鐸振魚陽風自  
古生徒講席還擊鼓賓莊何處塾藏書李廣當年石沒  
羽家郵何事夜來傳蕊榜書名事偶然壯志看花須絕  
塞草臣射策合窮邊

是日聞捷

旭升早覓無終路情深往蹟

生回顧種玉難尋雍伯田埋麟但指昭王墓金城紆岸  
度轎車四面山青柳欲舒煙雲繚繞陳宮岫岫蚪凋殘  
商鼎書蕭條驛館都山下荆代棖榱石作瓦窺林殘月  
擁眠牀隔籠荒雞催去馬卑耳溪頭雨氣開褰裳人背  
夕陽來廢城碣字鏤黃洛倦客溪蘋薦墨胎挽輪欲下

石門阜遙見驪城大如斗  
案燭催吟馬上詩  
砌花勸酌尊中酒  
臨榆關外路  
巉岈殿齒渾忘道路難  
雲鴻隔嶺聲先到  
海鶴凌空羽正搏  
雄關扼險巋然峙  
對岸人煙依戰壘  
邊城萬轉跨山斜  
海氣千尋扶日起  
憑欄一望盡空濛  
浪蹴危樓起颶風  
姜女祠殘雜蚌窟  
仙人石倒撼蛟宮  
涼水河邊驚日暮  
板橋新補人爭渡  
晚餐牆上掛蒼鷹  
半夜牀前跳鼉兔  
荆榛叢裏朕城闌  
道左碑傳舊海濱  
東觀驛卽舊海濱縣  
鐘簫尙敲天順字  
石欄不辨慶元人  
濤聲稷謾起松柏  
寧遠蒼茫覓陳蹟  
夾路荒飛世冑坊  
摩雲鳴瞰勲臣宅  
蕭疎老屋不成村  
松杏何年長石根



頽岸雨衝殘壘蹟欹垣苔蝕舊潮痕十三山狀互偃仰  
馬到峯邊呼石丈海田幾見世升沈輪蹄閱盡人來往  
廣寧風澤不曾還夜露苔生蟲願斑北寺鐘聲雙塔迴  
西郊雲影萬峯閒路近辰韓停晚櫂風沙日夜皺人貌  
鄉書珍重託雲鴻旅店從容調水豹虎頭魚尾黃斑色善食魚束峯  
一轉盡平蕪千古雄才毓此區抱膝晉卿通籍否乘牛  
元蓬在田無遼河橫挽舟如葉沙磧驚鴻爭利涉春凍  
懸鉏隴未耕天昏帶犬人猶獵老邊蟲起似山橫平野  
逶迤擁盛京鶴歸華表吟丁令帽破林間識管生巍  
幾知是興王地林樹龍蔥聚佳氣萬戶煙隨殿影高

二陵雲繞山容翠。濟陽東北萬山稠。畫簾飄搖夜雨收。

當路翻漿驚沒馬。

春日地氣濡軟易陷俗謂之翻漿地

耨田躍蹕不鞭牛。

種者先扶杖躍蹕陷隴上後持長柄蒟蒻播種竅內隨以足覆之

范河三面山呈秀。郵

舍平岡成小構。到枕溪聲渡遠橋。當窗塔影移東岫。鐵

嶺城隅對老松沙。留山虎夜來蹤。酒帘近郭因成市。寺

衲依山半似農。開元野站方新築。路入昏天行色速。馬

臨紆澗水聲。驕人過荒林。榆葉禿重關。鎖鑰倚岩巒。地

界要荒插柳條。僕驚絕域頻停馬。朋慰長途屢射鵰。千

山萬山礙人目。足音終日絕空谷。黃昏破屋少煙生。白

日空城疑虎伏。滌河石岸景氤氲。幾處灘聲隔樹聞。穴

裏窺人貂一箇巖邊趁草鹿千羣倦來高臥犇鷹側戟  
聲半夜無休息偶因笳吹惜文姬何處鴻翻訪屬國小

孤一撮與雲齊奮臂高呼驚野麝石牀遙揖諸天近風

磴回看萬樹低橋通大孤歌路細幾家井竈因山勢日

升石竇引蒼蛇橡落空林肥野蕨細雨連宵去未能記

程不寐照疎燈

粘熟疎於條  
然以代燈

天邊檢橐隨圖史馬上敲

詩仗友朋上銚一灣園滿屋拂塵夜枕張娘宿

張娘  
蟲名身

爲長途學佩刀憚因久客偏宜肉干渠積雨盡成流羸

馬盤旋苦未休衣沈草裏濡紅鏞

水色殷赤土人  
呼謂紅鏞水

橋斷

林邊踐獺頭

草擁土叢生者  
名曰獺頭

新開鳥道纔通步紆回穿

徧千山樹裝含宿雨壓明駝蒲動迴風驚白鷺

翠華隱映碧峯間馬駐斜暉識

聖顏書橐不妨

隨虎隊荷裳未敢溷鵷班地近烏龍增式廓石阡幾處  
安耕鑿傍檐剝木聳炊煙倚樹誅茅成曠落平郊熙穰  
自名邦肅愼雄風枕大江柵列嚴城森雉堞門臨高岸  
動龍幢江抱村煙成樂土家家門戶臨江滸雨添新漲  
失鯨鯢風起清波縱韋虎

舟名剝松爲之洞  
尺係長二三丈

塵沙一望

絕塵囂縱目江頭慰寂寥偶遇溪童學士語閑招野叟  
認葭苗鄰巷人聞征轡歇齊來坐話衷情竭作書反覆  
屬雙魚貰酒慇懃佐深月遙看長白勢龍拏

盛世明

國朝畿輔詩傳

卷二十五

五

禪煙靄中天。上詞臣勞獻帛。雲邊仙侶聽呼嵩。歸裝又  
值江雲變。滿空隱躍魚龍見。渡溪常覺浪沾衣。落馬齊  
驚泥在面。山堂猶未覆茅茨。雨裏擁衾情自怡。野食脫  
驂先易米。旅懷藉草且彈棋。一通河因山雨漲。行人立  
馬情惆悵。幸濟狂瀾駐代舟。怕沈深淖。童爲杖重叢兀。  
自覺衣單信是邊。庭海氣寒榭葉三春還。未發杏花四  
月是。初看巫閭環翠如屏倚。雄鎮并營何代始。古洞千  
年背岫開。飛泉萬丈從天墜。廟貌崇隆俯萬川。松龕僧  
老憶當年。亭棲鼯鼠仙蹤渺。石臥荆榛墨蹟縣。溫泉遙  
結煙雲狀。沸涌年年盛。石盃掬手先淘烏稽塵。解襟爲

浣松花浪西指關山轉自疑玉門驚喜是歸期艱危歷  
過方愁險鞭轡將停反恨遲清風臺上恣高眺大壑空  
明飜夕照風振陽山憶采薇月籠漆水堪垂釣午日還  
京正及時荷風榴雨 帝城宜未從鳴綠攜龍鏡擬向  
披香獻綵絲四十成名人未老况復聯鑣多舊好轅回  
紫塞解裝遲書上 青楓聽漏早

椒林僧舍

來往椒林寺樵僧祇閉關樹深煙影暗村靜鳥聲閒佛  
號傳朝磬禪牀對晚山輪蹄門外織咫尺隔秋灣

懿路

西南山已盡別自起崇岡地氣連長白松雲護滄陽輕  
裝衝宿雨疲馬沒翻漿土堞蓬蒿裏沈埋半段槍

過天乙兄

怪爾胸中邱壑存人煙喧處闢林園分花好趁籬間雨  
移石斜穿竹裏門臺不須高常載月客雖斷飲亦開尊  
行窩新與吾宗近莫厭頻來倒瓦盆

訪謝千里

家世飄零老白茅自辭燕市等浮泡思鐫古篆尋文石  
爲挂名琴藉鶴巢園室饑催債字畫雖孫慧解學推敲  
眼昏客語聽疑似錯認新知是舊交

西緒

靈鷲牆陰踏古苔  
柴扉背向萬山開  
巖雲乘隙出林去  
窺水憑空過澗來  
寺僻當門還種竹  
院高倚檻更增臺  
午餐西緒僧留坐  
指點江帆蹴浪回

御題寺夜成

梵宮偶儻兩三間  
萬縷塵緣且暫刪  
半夜河聲驚過枕  
千尋閣勢盡衡山  
斷碑播落傳唐字  
斜月遲回傍漢關  
暮鼓晨鐘常演法  
老僧今遜野人閒

雲山圖

廿載編茅倚碧岑  
閒閒雞犬臥花陰  
焚香細看雲生處



始悔從前隱未深

江夜

黃昏水漲暗相驚  
漸覺船高與岸平  
客初來江上宿  
不知今夜是潮生

黃儀

儀字吉羽元城人康熙二十一年進士官湖南  
安化縣知縣有灌園處近草

張榕端序三十年來河朔談風雅者必屬天雄  
黃子吉羽昆玉執牛耳主盟其間吉羽爲相國  
孫余每歲遞少傅公家一日招遊少傅別墅刻  
燭賦詩吉羽振筆疾書得句驚一座余心折其  
文章聲氣之厚  
爲近今所罕觀

刈麥行

刈麥復刈麥野風吹炎暑腰鎌事朝夕捆載登場圃沙  
沈顆粒勻掌上粲可數含笑謂農人我腹庶可鼓忽逢  
催租吏顏色一何怒坐門不復去火急供軍旅新麥尙  
未食聊以付諸賈那知廛市間此物賤如土

慈仁寺松歌

延壽殿前有兩松蒼茫歲月鳴天風一樹盤擎最奇古  
天矯屈曲翔虬龍孤根欲穿太行右怒柯迴掃碣石東  
雷雨低垂白日匿護屯雲氣常濛濛濤聲奔落鱗甲動  
蜿蜒恍忽飛晴空昔我游徧長安陌擔簦每向松間歇

荏苒年來樹已孤蕭蕭疎翠霜皮拆鶴巢不來行蟻上  
偃蹇猶存舊骨格我聞此物宜幽賞移栽邱壑纔森爽  
誰遣風塵溷市中憔悴烟霞空骯髒可憐老卻後荆枝  
不及盈盈桃李姿芳菲咫尺上林苑正是青春雨露時

冠氏道中送美中兄南遊

柴門閉燈火小憩拂征塵野宿時防盜秋成夜饗神山  
川連里閭雞黍對情親已覺驅馳倦因思長路人

張子大同年至集郊園分韻得三字

何處堪留客幽園好共探溪橋知第五竹徑憶開三爲  
惜經年別因成竟日譚濁醪村市近呼取佐清酣

九日曹顧庵先生至卽步其重陽登高韻

父執逢迎舊朋儕邂逅重風霜催短鬢天地倚孤筇落  
日高城澹浮烟小市濃授衣當客邸誰爲緝芙蓉

沈子遷園亭

宅遠幽園隔廊迴小院分疏泉深鑿影疊石峭生雲夜  
色燈初引秋聲雨乍聞悠然看竹意况主沈休文  
覆簣爲山巧居然洞壑幽峯迴依畫檻磴轉接丹樓帶  
雨蒼苔古含風碧樹秋何年餘斧鑿疑是五丁留

成心水招飲書屋

一室眞容膝層城壓短扉袖攜殘石瘦盆養早花肥夜

柝臨風近春星隔樹微酒狂吾故態不醉肯言歸

張頤石郊園

地名銅臺楊師厚駐兵銅臺驛當卽此地

結茅爲宇賀初成麥秀連村四野平沙麓山殘新郡郭  
銅臺驛改舊軍營栽花此日仍飛蝶種柳何年已冒鶯  
更有井闌園菜圃客來每聽桔槔聲

### 秋興

徙倚亭臯落日荒秋生城郭擣衣裳將軍未罷滇中戍  
戰馬仍驅海上疆雲氣飄殘金甲雨夕風吹入寶刀霜  
遙連畫角聲高處白骨青燐野月涼

魏學誠

學誠字一齋一字無偽蔚州人象樞子康熙三

十一年進士歷官春坊諭德

香祖筆記

特諭蔚州壬戌進士魏學誠

改官翰林故刑部尚書象樞子也以其父居官  
清正故有是

命

聞家大人請歸未允感賦

疏乞歸田志未酬復傳

溫語下

龍樓積勞恐

薄參苓效多病難堪兒女愁已見四方登衽席不妨一

老臥林邱漢家廣受高風在何日承

恩出帝

州

李旭升

旭升字晴崖蔚州人康熙二十一年進士官吏

部侍郎有游南草

畿輔通志福建廈門等處荒歉

聖祖仁

皇帝命發江浙漕米三十萬石海運賑濟旭升

奉命督運三旬而至履畝踏勘計口授食均沾

賢惠轉刑部侍郎及吏部左右侍郎苞苴不行

十二年如一日乞休

御賜

簡平耆碩匾額晉職尙書卒於家

望泰山闕里

鳴騶朝暮踏煙霞賜履雄封道路賒萬代嗟峨青帝宅

千秋禮器素王家天門挾日風雲上老檜蟠根歲月遐

山海高深探未得此行倘許遡津涯

王源

源字崑繩號或菴大興人潔弟康熙二十三年

舉人

四庫全書提要或菴評春秋三傳王源撰是書  
本名文章練要分六宗百家六宗以左傳爲首  
百家以公羊傳穀梁傳爲首然六宗僅左傳有  
評本百家亦惟評公羊穀梁二傳而已經義文  
章雖非兩事三傳要以經義傳不僅以文章傳  
也置經義而論文章末矣以文章之法點論而  
去取之仰又未矣貞德秀文章正宗始錄左傳  
古無是例源乃復沿其波乎據其全書之側當  
歸總集以其僅成三傳難以

集名姑仍附之春秋類焉

畿輔通志源流寓江淮從魏叔子治古文遊京  
師公卿皆降爵齒與之交與四明萬斯同訂明  
史稿兵志源所作也年四十後或勸應試舉康  
熙癸酉孝廉第四人所評文章六宗行于世  
方苞傳崑繩父某明錦衣衛指揮明亡流轉江  
淮寓高郵源少從其父喜任俠言兵性豪邁不



可羈束於並世人視之蔑如也雖古人亦然所  
心慕獨漢諸葛武侯明王文成於文章自謂左  
邱明太史公韓退之外無肯北面者年四十餘  
以家貧父老始遊京師傭筆墨貴人富家多病  
其不習時文笑曰是尙需學而能乎因就有司  
求試舉京兆第四人曰吾寄焉以爲不知己者  
詬厲也源以貧無資不能不託蹟諸公間而常  
以自鄙未肯降辭色或極飲大醉嘲謔罵譏中  
其所忌諱諸公用此陽禮貌之而陰抗焉源雖  
好氣與世參商然內行篤修其兄死旬歲中貌  
若非人其於人果有善未嘗不降心晚年與嚴  
縣李恭遊大悅之遂與師事博野顏習齋學禮  
終日正衣冠對僕隸必肅恭然自負經世之略  
盜堅每日吾所學乃今始可見之行事非虛言  
也始源慨不快意五十後葬其親遂棄妻子爲  
汗漫之遊至名山廣壑輒淹留踰時忽復他往  
見人不自道姓名逾六十復歸往來金陵淮陽  
間客死山陽著易傳十卷平書二卷兵論二卷

留別黃弼臣

憂向中來豈易寬與君對酌且爲歡憐才自古英雄少  
得意當前我輩難消遣壯懷憑寶劍蹉跎春夢付征衾  
還期共醉金臺下四野蕭蕭放眼看

段大任

大任字繼衡南樂人康熙二十二年舉人官任  
邱縣教諭有莘野詩草

南樂縣志大任性醇樸  
好學在官課士有法式

步魏大司寇過孤竹謁夷齊廟韻

盛代遺名臣探風期三古宣德兼達情剛柔不茹吐孤  
竹弔遺蹤瞻拜頭一俯仰追前賢風下軫蒼黎苦剔弊

復除奸沛澤若時雨尙懷靡及心咨謀思欲補入郡樹  
風聲萬里清豺虎召伯再巡行卓哉眞良輔

萬兆文至自晉陽雅集漫賦

客路經三晉還家歲暮天風塵千里外肝膽一尊前白  
雪聯同訓青雲憶昔賢竚看新製錦先著祖生鞭

懷友

故人幾度隔烟蘿似水年光轉眼過二月鶯花良晤少  
三秋風雨別情多頻將濁酒酬詩癖屢覓仙方掃病魔  
望望好音憑寄我近來佳况復如何

張 激

激字介文景州人康熙二十三年舉人官河南

羅山縣知縣有鵠田集五卷

景州志激由內閣中書改羅山令充甲午同考  
稱得士戊戌撤運卜延免軍前往返二萬三千  
餘里勤慎無懈母早歿事父至孝著有

鵠田詩詞稿詩清勁得晴峯柳亭家學

徐熊飛序介文五律開爽沈鬱在太白少陵襄  
陽間七律宕逸溫秀如右丞嘉州洵不愧風雅  
中人

過桃花洞問劉阮故蹟

仙人採藥時遽失春山路一夕飯胡麻飄然欣所遇歸  
來世代非千載同一寤異蹟沒羣峯遺墟惟古樹聲聲  
響杜鵑風雨他人墓

留別同里高虞卿

送我春山曉籃輿石磴長歸心同故里別路轉他鄉  
烏急風前語花殘雨後香平安聊寄信客淚莫沾裳  
勝境留君住芳菲引屐前風多山欲雨日上海如天  
古木穿松鼠春花亂杜鵑他時歸故里爲我贈瑤篇

隔院聞教歌感賦

彩袖時時換羅紋價十千寒窗機上女珍重買春絲

王企靖

企靖字苾遠雄縣人析子康熙二十四年進士  
歷官江西巡撫

四庫全書提要四家詩鈔二十八卷王企塋纂  
四家者清苑郭棻鉅鹿楊思聖任邱龐塏文安  
紀昀也所錄茶學源堂集凡六卷思聖且亭集  
凡八卷塏叢碧山房集凡六卷昀桂山堂集凡  
八卷每集各爲之序棻及塏昀皆有集已  
著於錄惟思聖集今未見獨見於此編耳

寄懷李西居

家近毛公里人推太白才鳳毛騰相府駿價重燕臺逸  
致書連架閒情酒滿杯天涯雲樹隔兩地共徘徊

多時珍

時珍號玉巖阜城人康熙二十六年舉人官內

閣中書

曹貞吉序玉巖詩上下錢劉包括蘇  
陸江行數作豹之一斑龍之片甲也

江行

水淨沙明落照前  
餘霞收盡晚江妍  
山無浮靄堆成碧  
月太空明化作烟  
胸次已忘塵土夢  
詩情真逼沈寥天  
何人高詠堪同賞  
喚起江頭李謫仙

李璫

璫字剛主號恕谷蠡縣人康熙二十九年舉人

官通州學正

四庫全書提要恕谷後集十卷續刻三卷李璫撰璫有周易傳註已著錄是集所作古文也前有其門人閻鎬序稱恕谷者自名其里也後集者自康熙癸未以前俱置之而惟存其後焉者也集首第一篇爲送黃宗夏序後有題曰此王崑繩改本也恕谷初學八大家崑繩言當宗秦

漢章法訂此恕谷後謂唐宋不如秦漢秦漢不  
如六經於文法一宗聖經題曰後集云云豈繩  
者大興王源字也嘗撰文章練要分六宗百家  
談古文之法後與琬同師顏元琬遂從學古文  
盡棄其少作後集之名蓋別其前之所棄也今  
觀其文根柢仍出入家但開合斷續不主故常  
異乎明以來學歐會者惟以紆餘曼衍爲長耳  
遽曰秦漢曰六經溢其量矣琬天分本高其學  
自成一家以經世致用爲主亦具有根柢然負  
氣求勝其文或失之粗豪少古人淳穆之氣其  
特論又自命太高自信太果幾於唐宋元明諸  
儒無一人能當其意亦未免傷於褊激蓋前明  
自萬歷以後心學盛行儒禪淆雜其曲謹者又  
闕於事情沿及國初猶存商俗故顏元及噪  
獨力以務實相爭存其說以補諸儒之枵腹高  
談未爲無益然不可獨以立訓盡廢諸家譬諸  
礫石太黃當其對證實有解結滌滯  
之功若專服久服則又生他疾耳  
方苞李剛主墓志琬父孝慤先生與博野顏習  
齋爲執友剛主自束髮卽從之游嘗爲其友治



劇邑期年政教大行用是名動公卿間諸王延  
經師主闢外者爭欲致之堅不就康熙庚午嘗  
舉乙科晚授通州學正浹月以母老告歸長官  
不能奪也習齋無子剛主中歲遷博野爲葺祠  
堂收召學者剛主言語溫然終日危  
坐肅敬而安和近之者不覺自斂抑  
紅豆樹館詩話先生父孝愨先生名性字洞初  
明諸生鼎革後不與試與同邑王法乾訂心身  
之學又感五公山人王餘佑大節與之論有用  
之學先生秉家訓刻苦自勵顏習齋者本博陵  
人餓居于蠡先生亦學其所學固守師說取爲  
苟同又慨古樂並亡束裝走越中三千里就毛  
西河太史而講求之盡得舊所傳五聲二變四  
清七始九歌十二律諸遺法撰李氏學樂錄述  
毛氏之說斟酌今古多所發明惟其學出于顏  
氏主于厲實行濟實用其矯枉過正則在攻駁  
先儒不遺餘力而於宋儒尤甚方望溪侍郎嘗  
移書規諷先生雖引以自責要亦未能盡革也  
國初北方多儒者容城徵君而外必推先生  
云習齋名元一字渾然明末其父成遼東歿於

關外元百計拮据覓其骨歸葬世以孝子稱之  
所撰四存編已錄入四庫子部儒家類因未  
見其詩故附載於此

### 玉峯先生挽辭

莪山兄篤孝今歲癸未秋杪臻如京適值其迎  
玉峯先生養于邸堇榆滫瀡婉笑將之屬屬如  
也乃無何而玉峯先生以老疾捐館舍莪山兄  
坦直無留餘一諾千金素好慷慨悲歌矧際大  
變懼其過毀也乃作輓詞一以妥幽一以寫孝  
子之哀而節之詞曰

黍谷慄慄兮朔風號巫陽難問兮天自高鬼伯紛拏兮

餒其曹魂竭來兮突夏羅餒餒兮人駕馬

都門以糖作人馬致祭

東國烏面醯骨兮不可以恣遊匹練吳門兮遠何求靈  
無逐魄兮山阿梅馥堂下兮紛純綠波式覩苦幽兮孺  
慕在茲明德尙馨兮終古永之

崔緝麟

緝麟字振侯號段垣大名人康熙二十九年舉  
人官大城縣教諭有段垣詩訂二卷

大名縣志李安溪相國撫畿內時漳水汎溢以緝麟請河渠訪之緝麟言宜開渠疏水以洩其勢且藉以興水利不得專恃隄防光地墮之以羣議不聞而止

秋懷

節序暗推移景物不停逝有家恒蓬飄無官亦匏繫秋  
山黃葉深孤懷誰與契獨有月上時清風吹短袂

黃叔琳

叔琳字宏獻號崑圃宛平人康熙三十年一甲  
三名進士歷官吏部侍郎

四庫全書提要硯北易鈔十二卷黃叔琳撰是  
編用注疏本以程傳本義爲主雜采諸說附益  
之中多朱墨校正商榷

之處蓋猶未定之稟也

紅豆樹館詩話先生督學山東時以興賢育才  
爲己在倡修三賢祠於泰山之麓奉祀宋胡安  
定孫明復石徂徠俾學者知所景從又興復白  
雪松林兩書院延師儒選才雋其巡撫浙江也  
翦除巨惡辯釋冤獄恤災傷黜貪墨尤以薦賢  
爲重所汲引者如萊州守嚴有禧長清令劉輝

祖皆以循良遷秩而分校禮闈主試江南所拔  
取者理學如任宗丞起運經學如陳司業祖范  
文學如徐孝廉文靖入祀賢良者則徐撫軍士  
林潘敏惠思渠也其餘名士宿儒建樹接踵未  
可悉數先生善識天下才俊方望溪爲諸生時  
來謁一見稱莫逆交凡望溪所著周禮春秋之  
學皆與先生往復指畫他如周大璋顧進又數  
十人千里就正則其學之及人遠矣生平著述  
有硯北易鈔詩經統說夏小正傳注史通訓故  
補注文心雕龍輯注顏氏家訓節鈔硯北雜錄  
諸書乾隆庚午重赴鹿鳴宴新同年蔣荅生士  
餘贈詩云斜街秋老又張筵綠鬢官花憶往年  
只有銀蟾能記取畫檐重照舊時仙題名昔上  
五雲邊歸杖平泉又十年試問朱衣點頭日者  
番兄弟甚因緣鸞掖文章老斲輪舊聞日下又  
增新三朝掌故分明記說與當筵問禮人又云  
早陪宣室侍螭頭前席恩叨顧問優入  
捧黃麻知制誥出銜天語領諸侯封疆前後三  
持節休養東南數借籌記得昇平艱報荅蒼生  
惟恐至尊憂玉筍爭傳少日身新城門

下獨嶙峋舊家標格真龍鳳弱冠文章老駢輪  
極美科名周甲子斯文壽考應星辰漁洋弟子  
今存幾霜雪垂肩第一人名宦功成贊已班大  
夫致政許歸閒高馮寶鏡藏金背裴楷天官說  
玉山學士半生春夢過尙書七十白衣還年來  
浩月趨朝便履道原居輦轂間次年又重宴瓊  
林卒年八十有五洵理  
學名臣 熙朝人瑞也

柏林寺觀李晉王畫像歌

沙陀懷古趨僧舍駐馬柏林還看畫素絹拂拭生輝光  
神威凜凜鬚眉張紅袍玉帶結束好唐季英雄一目眇  
當時角立有朱三百戰干戈人易老國讐未復留遺恨  
破碎山河安足問莊明帶劍左右立錦囊盛矢受遺訓  
誰與寫照妙入神李家父子俱天人鷹揚虎視空一世

經營慘淡傳其真千載留遺歸淨域世無別本須珍惜  
捲圖四壁起英風想像沙場萬人敵

送孫文博之雲南省觀

此去行歌陟岵詩短長亭外柳如絲雨過山驛雞啼竹  
風送江程狄挂枝花下迎親依曉署尊前憶弟夢春池  
可能裁得相思錦六六紅鱗寄莫遲

乾隆辛未重宴瓊林詩

天鼓聲喧曉漏餘春風吹雨灑庭除婆娑老眼看新榜  
髣髴青雲接敝廬

鶴返故巢無宿侶花開仙洞見新枝輶軒南國追疇昔

風雨橋山愴夢思

趙炯

炯字子藏號鶴齋鹽山人康熙三十年進士官  
廣西來賓縣知縣有香魚山房詩草

春耕

好春當二月膏雨潤新阡花放疎林外人耕落照前野  
雲常到地遶水欲成煙多少梁園客棲棲覺汝賢

鄧預

預字希武號立庵南宮人維孜子康熙三十二  
年舉人官貴州餘慶縣知縣



南宮縣志預康熙癸酉舉於鄉雍正初謁選除  
黔之餘慶南荒僻壤川販所經其徒自川由黔  
達粵西與販生苗男女或百十或數十繩連索  
貫各持兇器驅之而行遇人煙稀少之區橫肆  
劫掠預患之躬親踏勘繪圖詳報請過渡要阨  
撥添汛兵稽察協擒陳善後四事一形勢必能  
控制一兵民貴於和衷一絕嚮道一阻鄰路悉  
如所請兇販屏蹟又條議治黔二事一攸雕勦  
以治苗一通錢法以便民因地利制宜民  
懷其惠在四年告歸黔人有去思焉

乙巳元旦連朝雨雪偶吟韋蘇州邑有流亡愧俸  
錢之句感而賦此

待罪餘陽兩拜春殘山賸水與年新茅簷且喜能成聚  
官舍誰嫌僅庇身積雪盈窗筠作帶迴風入座石爲鄰  
最酸定還須檢恐有流亡愧俸人

張坦

坦字逸峯號青雨撫宜人霖子康熙三十二年

舉人官內閣中書有喚魚亭詩橐

天津縣志坦原籍撫宜祖明字賈天津遂家焉性嗜學於書無所不讀博覽窮搜叩之立應中康熙癸酉舉人考授中書舍人著有履閣詩集喚魚亭詩文集若干卷幼學詩於王司寇阮亭學書於趙宮贊執

信其淵源有自云

紅豆樹館詩話逸峯昆季承其父魯庵叔峯山之學問與同時諸名士游故所作詩皆清逸帖妥彬彬乎質有其文

遂閒堂詩

鑿池不在廣但容勺水清悠然臨石鏡大海明月生綠

漪漾文鱗喜無綸餌驚坐客可五六流觴相與傾談諧  
盡幽事吟咏無俗情晨昏用以永酒罷一濯纓

水石潏澗中隨池構小亭清風四面來嚶嚶動疏櫺遠  
浪渾一碧累木攢高青雖然臨塵市不異棲崖扃耳目  
一以曠身心一以宜此外何所求丹藥延遐齡

古人種樹法推之可樹人嘉木良足惜不辭斬荆榛長  
養應有候疎密亦有因繁香透衣袂滿目皆陽春曲榭  
環繁屋不與輸奐倫萬彙各懷私吾自全吾真

程高士穆倩見過寺寓

倚條杖履往來輕載酒看花逐隊行門掩舊京千里客

交論古寺百年情世傳駿骨多歌泣君借蟲書識姓名  
歎息信陵人散後興亡猶得問侯生

邗上遲費燕峯先生不至

遙想城南水竹居滄桑歷徧近何如興酣載酒難留客  
貧到關門只著書芳岸飛花閒畫舸朔風吹雪阻柴車  
相逢共躡金山頂萬里江天落照餘

訪鄭汝器簠隱居

久從谷口想風期果得登堂慰所思書法八分追漢魏  
人高六代見鬚眉名花別院逢春早芳草他鄉去夢遲  
欲訪當年歌舞地石頭城下雨如絲

秋夜寓齋偶招抱雪叔才省雲亦抒書宣穎儒小

酌時叔才南旋賦別分得年字

小酌秋燈亦偶然送行詩就當離筵名傾京國才如海  
酒載維揚月滿船通籍亦知非得意論交深喜得忘年  
津門煙柳春風暖遙望征帆北雁還

張 璣

璣字聲百撫寧人霖子康熙三十二年舉人官

內閣中書有秦游詩一卷

姜宸英序張聲百同年寄余秦游詩秦游者張  
子觀其尊甫觀察公於西安使署之作辭義飄  
渺恍惚若不可測寄興所在求之嗣宗以下  
射洪曲江以上要各有磊磊不可磨滅者

秦中咏古

輞水何淪漣王山頗清峭中有幽人居齋心契樞要或  
爲北垞行不作歆湖釣春澗一鳥鳴夏圃百花笑飯僧  
得淨侶燒藥依閒鼃我聞此巖巒考功託清嘯幾時輒  
易主維摩闢堂奧無知謂我宅豈識如風繻布金作祇  
園鹿苑永丹嶠始信千載後藏舟此爲妙得失究誰是  
去住從所召遙遙華子岡犬吠尙如豹

驅車樂游原東下鴻門阪草木半黃落淒其歲云晚當  
年宴會處衰柳拂行幃古人竭智勇機事如環轉南鄭  
幸西歸彭城竟東返歧路在須臾得失迴懸遠歎息俱

陳蹟徒旅去偃蹇且就夕陽中野人原一飯

懷王崑繩

文章得失係千古作者寥寥無幾人有明一代稱絕盛  
歸然熙甫聞江濱吾子夙昔抱鴻志遠紹如火傳諸薪  
搜奇獵異恣所獲不肯妄庸空效顰自出海涵地負手  
上軼兩漢追先秦賤子志古亦有素每逢好友傾心神  
幸獲同譜時晤語脫畧形蹟呈天真如探懸圃采瑤實  
不須遠覓桃源津別來觸物每相憶知子讀禮方酸辛  
大孝事在垂不朽名山便是揚吾親况復暇時蓄益厚  
行當弁冕觀光賓東望浩歌寫煩鬱不見叔度胸生塵

江南曲

別君復幾日葵榴當門多刀錢重腰帶秋風動綺羅七  
綵芙蓉帳紅衾疊寒波秋夜長如此寂寞金閨裏梁上  
難同紫燕飛鏡前擬作青鸞死思君憶君不見君江南  
夢化隴西雲前日鍼書渾是淚不須更驗石榴裙

春宮詞

宮井新梧綠雲樓起睡鴉幾番添鳳髻曾不見羊車恨  
瀉芙蓉粉愁深蜥蜴砂昭陽春早入定有合歡花

曲徑和字綠

碧簾遮曲徑習隱可年年適意卽爲道齋心亦類禪蘆



深入語寂花密磬聲傳渺渺山禽下飛來破暝煙

游沈氏舊園

姬人墓在焉

蘇石盤坳細路分高松蔥蒨帶晴雲到來蒼鼠幾回出  
坐久竹雞時一聞鈿柱拋殘思錦瑟繁花開處想羅裙  
亭西彷彿題名在尙有風流記此君

深秋偶成

攤書淡無營朝光上花嶼秋風何處來吹落山禽語  
舊里煙波遠鄉心日夜生只愁蘆荻岸漸次作秋聲

滿橋

水碧沙明沒斷橋霜前葭莢亦蕭蕭當年贈別人何處

依舊東風上柳條

李暄亨

暄亨字麗生蔚州人康熙三十三年進士官內閣中書祀鄉賢有澄園集

畿輔通志暄亨性至孝父歿哀毀骨立旣葬廬於墓側祥禪後作九問詩以寫悲慕覽者皆爲流涕登康熙甲戌進士官庶吉士終內閣中書學術醇正根柢先儒發爲詩文力追正始魏敏果象樞見其文歎曰此一代之雋也著有趨庭日記澄園詩槐省雜記若干卷香祖筆記李庶常麗生暄亨示子雲中節義錄所錄闕寇之難大同殉節者五人宗室二人永慶郡王某管理襄垣王府事鎮國中尉俊案巡撫衛景瑗韓城人監司朱家仕河州人其一則諸生李若葵也

秋日村居雜興

學稼餘清暇閒凭百尺樓霧迷前嶺暗霜醉一林秋事  
業看先輩經營仗祖謀迥然發長嘯知足尙何求

張丙厚

丙厚字爾載號腹庵磁州人榕端子康熙三十  
三年進士歷官刑部郎中

磁人詩壬午公令交城汾水齧東南陽渠等村  
皆成巨浸民多就食他境公招徠流移使復其  
業西北山鄉盜藪公廉得河北郡有惠重生強  
幹有力爲羣盜所服以計致之重生願盡死力  
遂假以都總練之職禮  
而遣之盜賊由是屏息

邯鄲老人行贈嘉會宗叔

邯鄲老翁六十一眼光如炬鬚如戟自言小小棄書卷  
紅樓歌館無朝夕呼盧浮白號當行臂鷹走馬稱豪客  
里中游俠任指揮走馬章臺狎裘屐朝弄檣蒲暮鵲絃  
萬八千日等閒擲於今頭白心仍壯時擁如花把醇醪  
捉筆新能吟五字挽強尚可開兩石不羈畧似韋蘇州  
晚歲學詩類高適人生行樂須及時冉冉光陰駒過隙  
拘牽繩墨胡爲乎願與老翁同此癖

紀遴宜

遴宜字毅亭文安人康熙三十三年進士歷官

吏科給事中有式綸堂集

讀韓爾需新詩有作

之子經時別新詩日益工  
高文會共賞佳句許誰同  
生計狂歌裏恒流醉眼中  
會須乘興去雅志馭長風

喜得天水靜以兄書卻寄

三秦天府版圖雄百二山河指數中  
祖德昔曾垂惠澤

孫謀今復嗣家風

子家方伯公會秉節隴西今叔父又守天水

巴江鼙鼓休

傳箭滇海波濤早挂弓我欲探奇登華岳一編道錄訪

崆峒

謝廷瑤

廷瑤字鼎卿號玉溪磁州人康熙三十五年舉

入官浙江富陽縣知縣

贈同門張新安佺枝

累葉紅綾桂有根  
慚余蘭譜殿同門  
幾年雪苑頻傾蓋  
一夕金臺偶憩轅  
萬石功高風未艾  
二銘學在道逾尊  
容城樽酒非閒對  
碩畫資君與細綸

李周望

周望字南屏蔚州人  
旭升子康熙三十六年進  
士歷官禮部尙書有論心堂詩

畿輔通志周望康熙丁丑進士選翰林院庶吉  
士陞侍講督學湖廣以端士習正文體維風化  
爲己任聖祖仁皇帝命甄別各省學臣  
爲天下第一擢國子監祭酒仿古太學三德六

行教士之法嚴考課勤講貫捐修學舍俾士子  
 鼓篋橫經免奔走之苦兩次奉命督運糧餉  
 察汗漫兒渡黑河涉瀚海周迴萬餘里飛輓  
 軍儲庚癸不呼遷戶部侍郎奉命查兩淮鹽務  
 審理案件益矢精白復備蒙嘉獎晉禮部尚書  
 前後條奏多見施行繕摺後即焚其草所保舉  
 雖已擢用其人不知也位列上卿而自奉淡薄  
 無殊儒素清畏人知奉以終身焉

起居注館 頒賜清書

聖代鴻文注起居微臣新受五雲書由來蝌蚪藏金匱  
 忽觀龍蛇出石渠簪紱忝稱稽古後絲綸加勵服官初  
 殊恩仰報惟勤業窗草依然綠未除

樂玉聲

王聲字振之磁州人康熙三十六年進士官廣

東瓊山縣知縣有退閒堂稿

磁人詩公與兄有聲宏聲金聲俱有文名州人稱兄弟之盛者推樂氏爲最

秋日偶感

白露驚秋半光陰似水流浮生一夜夢孤枕五更愁  
靜青苔滿窗閒老樹幽故人今漸少誰與共遨遊

王鑿

鑿字孟固號溟月別號小漁長垣人康熙三十

八年舉人官延慶州學正有培風堂詩集

懷程石門 延佐江夏人



滇池楚客恨何依  
別後兵戈事更非  
夏汭君從昆海望  
夜郎人自洞庭歸  
鯨鯢浪盛春還闕  
瘴癘天遙雁不飛  
歷盡艱虞詩更老  
可能談笑出重圍

二十三年昆海傍  
家山有路阻滄桑  
百蠻老去一官誤  
八口愁多雙淚長  
同有騷情耽薜荔  
獨嫌苗俗嚼檳榔  
錦囊黃絹歸錢起  
爲報名山深處藏

暮秋讀大人宋州九日詩仍用杜韻

愁較他鄉已自寬  
家貧那復問交歡  
人情處處嫌龍性  
生計蕭蕭付鵝冠  
白雁秋深霜郭冷  
黃花酒盡暮庭寒  
驚人節序愁如舊  
明月西樓不忍看

不盡砧聲動客哀生涯如夢漫遶迴篋藏白雪黃金少  
巷冷烏衣燕子來半月愁看隋苑柳十年別憶望鄉臺  
歸家共對黃花晚牢落長吟問酒杯

桐木洞

桐木洞前江流長桐木洞口煙荒荒岸迴石角橫如齒  
風引濤聲冷似霜酒盞經春傾澹蕩旌竿隔樹出微茫  
船窗寒雨人眠早夢過沅陵第幾塘

朱同邑

同邑字潔臣號晴崖天津人康熙三十八年舉  
人

天津縣志同邑父承命立志嗜學同邑克嗣其業安溪相國視學畿輔拔同邑爲入郡冠已卯舉於鄉會有詔覆試通榜舉人皆股栗同邑獨橐筆就乾清門試得上等八上公車不第竊志以歿爲詩雅嗜王孟

初夏

紅藥花無信清寒四月天  
麥蘇三寸雨衣減一層  
縣長日詩重錄晴窗石自鐫  
故人前有約同買看蓮船

思隱

何時結屋小滄浪  
數畝山田足稻梁  
春夜雨聲秋夜月  
一生清味在藤牀

趙董

董字醇庵號桂巖鹽山人康熙三十八年舉人  
有修書樓詩草

水李鋪曉發

四野雞聲發驛亭人度關輕輒搖落月疲馬踏荒山情  
寄遙天外詩成亂石間可憐霜後樹映得鬢毛斑

國朝畿輔詩傳

卷二十五

完

國朝畿輔詩傳卷二十五

終